



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-5526/23

Sarajevo, 08.11.2023.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnice Sanele Klarić-dostavlja se:

VEZA: Vaš akt broj:01-04-45131-6/23 od 25.10.2023. godine;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu zastupnice Sanele Klarić, pripremljen od strane Uprave policije Ministarstva unutrašnjih poslova Kantona Sarajevo.

S poštovanjem,

Prilog:

-Akt broj:02/2-6-03-1609/23 od 06.11.2023. godine,

-CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/2-6-03-1609/23

Datum: 06.11.2023. godine

MINISTARSTVO UNUTRAŠNJIH POSLOVA KANTONA SARAJEVO
- n/r Sekretaru

PREDMET: Zastupnička inicijativa, odgovor, d o s t a v l j a m o.-

V E Z A: Vaš akt broj: 01-9-02-2-5526/23 od 31.10.2023. godine

Zastupnica, Sanela Klarić u skladu sa članom 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20 i 16/22), na Desetoj radnoj sjednici Skupštine Kantona Sarajevo, održanoj dana 25.10.2023. godine, uputila je sljedeću zastupničku inicijativu:

Da se obezbjede timovi saobraćajnih policajaca koji će edukovati vozače o pravilnom korištenju kružnih tokova na teritoriji KS.

OBRAZLOŽENJE:

Izrađen je veliki broj kružnih tokova na teritoriji KS na kojima svjedočimo da veliki broj vozača krši pravila korištenja istih. Svjedočimo da i autoškole svoje kandidate uče da na pogrešan način koriste kružne tokove. Važno je zato da saobraćajna policija posveti mjesec dana i edukuje sve korisnike u saobraćaju da na pravilan način koriste kružne tokove. Nakon ovog edukativnog perioda neophodno je vršiti kažnjavanja za saobraćajne prekršaje, da bi u određenom periodu obezbjedili efikasno i pravilno korištenje kružnih tokova.

Odgovor na zastupničku inicijativu:

Poštovani,

Obavještavamo Vas da je članom 175. Zakona o osnovama sigurnosti saobraćaja na putevima u BiH, definisano da osposobljavanje kandidata za vozače motornih vozila obavljaju autoškole, kao pravna i fizička lica, te da obuku izvode na način kojim će se obezbjediti da kandidati nauče i usvoje pravila saobraćaja i etičke norme ponašanja u saobraćaju, ovladaju tehnikom upravljanja vozilom i steknu ostalo znanje i vještine potrebne za bezbjedno učestvovanje u saobraćaju, a što je detaljno definisano Pravilnikom o osposobljavanju za vozača motornih vozila.

Nadalje, želimo Vas obavijestiti da je Uprava policije MUP-a Kantona Sarajevo, tokom 2023. godine, kroz projekat „Rad policije u zajednici“, provela niz preventivnih aktivnosti koje se odnose na „Sigurnost učesnika u saobraćaju“. Između ostalog, dana 10.10.2023. godine, za emisiju „Nedeljni ritam“ TVSA, koja se emituje nedeljom od 16,00 sati, u rubrici „Kultura življenja“, zamjenik i pomoćnik komandira Jedinice za saobraćaj, Sektora uniformisane policije, Uprave policije MUP-a Kantona Sarajevo, uzeli su učešće prilikom snimanja navedene emisije, govoreći o saobraćajnoj kulturi učesnika u saobraćaju i pravilima kretanja učesnika u saobraćaju na kružnim raskrsnicama „Ilidža“ i „Hrasno“ (pravilan ulazak sa

vozilom u kružni tok, vožnja u kružnom toku i izlazak iz kružnog toka, kretanje pješaka, poštivanje obaveze vozača prema pješacima prilikom izlaska iz kružnog toka i sl.), a sve u cilju poboljšanja stanja sigurnosti saobraćaja.

Fokusirajući se prvenstveno na sigurnost učesnika u saobraćaju, dana 18.10.2023. godine, u saradnji sa auto-moto klubovima, Federalnim ministarstvom prometa i komunikacija te Kantonalnim ministarstvima za obrazovanje, JP Ceste F BiH d.o.o. Sarajevo, pokrenulo je kampanju podizanja svijesti učesnika u saobraćaju o sigurnosti vožnje u raskrsnicama sa kružnim tokom saobraćaja, kojom prilikom je upriličena prezentacija edukativnog priručnika „Kako sigurno voziti u raskrsnicama sa kružnim tokom“. Cilj navedenog priručnika je da bude edukacijski materijal za vozače, instruktore i predavače teoretske nastave u autoškolama, a isti će biti dostupan na web. stranici JP Ceste F BiH, kao i na web. stranicama ostalih učesnika kampanje.

Ujedno Vas obavještavamo, da će policijski službenici Uprave policije MUP-a Kantona Sarajevo, nastaviti aktivnosti na preduzimanju preventivno – represivnih mjera prema svim učesnicima u saobraćaju, a u cilju podizanja stepena sigurnosti saobraćaja na veći nivo.

